Das Kneißl-Lied

Aufgezeichnet von Hans Englmann

Das Kneißl-Lied hat im Laufe der Zeit zahlreiche Veränderungen ersahren. Neben Textabweichungen finden sich bei den neueren Fassungen auch nachträglich hinzugefügte Strophen. Eine sehr ansprechende, weiterentwickelte Form des Liedes pflegen die »Niederrother«. Das von Hans Englmann ausgezeichnete, als »Moritat« abgesaßte, Kneißl-Lied dürfte dem ursprünglichen Wortlaut sehr nahe kommen und soll deshalb hier sestgehalten werden. (Redaktion)

I bin von Unterweikertshof, i sogs ganz unscheniert, mei Vata war a Müller, da Paskolini Wirt.

Mei Muatta war a Zweigerl vom Paskolinis Kern, sie war a sauhers Weiberl, hot junge Burschn gern.

Mei Vata hot a Mühle pacht vom Sulzemooser Schloß, do war des Lebn so fein, i derf ja sagn famos.

Dö Burschn, dö san kemma aus Nahe und aus Fern, ja weil mei Muatta, dös Hexnweiberl, hörts Burschn-Gsangl gern.

Do ho ma oft was gschlachtlt, guate Bluatwürst hots oft gebn, dös war ja in da Schachermühl a ganz a lustigs Lebn.

Dös ging so lustig weiter, is schließlich worn a Larm, bis das dö Gschicht is kemma wohl hinter de Schandarm.

Mei Muatta dö hams gschlossn, wir Buam mir san davo, mein Vata hams daschossn, den ehrli bravn Mo.

Aber schließli hots hoit ghoaßn, d'Schacherlmüller hams verhafft und ham uns recht schö spöttisch nach Dachau einibracht.

Do habn ma müaßn sitzen, bis das der Tag anbricht, an dems uns hoit verhandelt ham vorm hohen Landgericht.

Am Tage bei der Sitzung

— dös Ding dös hot mi gfreit —
der ganze Saal war eidruckt
voll neugierige Lcut.

Abers Urteil, dös hot ghoaßn, dös war net gor so fein, hot ghoaßn 6 Jahr Zuchthaus nach Kloster Kaisersheim. Ausm Zuchthaus bin i entlassn worn, war wieder a frischer Bua, ich hätt a wieder garbat, d'Leut lassn mir koa Ruha.

Mei Arbeitgeber war zwunga, hot mir mei Zeugnis gebn, ich muaßte wieder rutschn ins Vagabundenlebn.

Es war bei Altomünster ganz dunkel und scho finster, do kema zwoa ins Haus, da Hiasl saß beim Schmaus.

Da Flecklbaur sprang auf: Hias, tua dein Drilling raus, machs kurz und sei net zwieda und schiaß dö zwoa glei nieder.

Jetz lies i aus der Zeitung raus, dös ist doch unerhört, an Kneißl Hias sei Köpferl war tausend Markl wert.

Doch wer die tausend Markl will, der braucht net lang studiern, mei Drilling, der is glodn, er braucht ihn blos probiern.

Es war am Sonntag, vierten März, in aller Herrgottsfruha, da gings in Geisenhofen schon sakramentisch zua.

160 Mann san einmarschiert, zwei Kommisär und ein Arzt, do hot sich der Kneißl Hiasl, hinter die Ohrn a bißerl kratzt.

Und aufs Kommando eins, zwei, drei, fliegn tausend Kugeln nei; da Dachstui, der hot zittert, dös Häusl dös fiel ei.

Der Hiasl mußte retteriern wohl hinter den Kamin, dös war fürn Kneißl Hiasl der scheulichste Ruin.

Ja, daß da Kneißl gfanga is, dös werd jetzt schnell bekannt; zum Krüppl homs'n gschossn, dös woas dös ganze Land. Als Krüppl hams'n transportiert cana sieme oder acht Schandarm; dös war ja in da Münchner Stadt a fürchterlicher Alarm.

Bei dera Kneißl-Fangerei do war a Weib dabei, dö sah in ihrem Hirn die tausend Mark scho fliagn.

Dö Gschicht, dö geht ganz komisch, rutscht außi übers Gleis, die tausend Mark sind ausgelöst vom Staatsanwaltverweis.

An Kneißl homs behandelt, jetz is er wieda gsund; zum Tod hams'n verurteilt, dö Gschicht, dö geht jetzt rund.

Nach Leipzig hat er appelliert, die Gschicht dö hat pressiert, i moan, es werd nix helfa, der Kerl, der werd rasiert.

Jetz muaß i wegn dem Teifiskerl so fürchterlich studiern, in Münchn is koa Boda, der an Kneißl kunnt rasiern.

Der beste Boda aus Augsburg, der hot dö Gschicht probiert und hot an Kneißl Hiasl zum letztenmal rasiert.

In Gsotstua homs'n einito wie ma d' Ochsn beschlogn tuat. Beim letztn Moi Rasieren ist gflossn no a Bluat.

Der Kerl, der hot no zappelt, es war a wahrer Graus, und's Liadl ist jetzt gsunga, mit'm Kneißl is jetzt aus.

Anschrift des Verfassers: Hans Englmann, 8061 Bergkirchen 28.